

Vanzgyangh: Ca Ndei Hong Cuengh Gun Song Saw Vah Sonhag Mbouj Soengfwngz

环江：抓好壮汉双语教学不松懈

Vihliux guh ndei hong Cuengh Gun song saw vah sonhag, daezsang sonhag cizlieng, 10 nyied 10 hauh, Vanzgyangh Mauznanzcuz Swciyen Swi'wnh Cin Cunghsinh Siujyoz hai aenhoih hong Sawcuengh sawqniemh hagdangz sonhag gyauienz hozdung. Aenhoih neiyungz dwg: Cunggez gij cingzcik haggez gong hong Sawcuengh sonhag aeundaej haenx; lij miz gijmaz caengz guh daengz; buci hong Cuengh Gun song saw vah haggez neix.

Youq gwnz aenhoih, cin cunghsinh siujyoz Mungz Ningz yaucangj yauhiuz gak aen Sawcuengh hagdangz au gaengawq bonj hagdangz daegdiemj banh hag, guh ndei hong Cuengh Gun song saw vah sonhag, ceng' au cingzcik ndei. Gyoengq boux yaucangj Sawcuengh sawqniemh hagdangz daeuj camgya aenhoih haenx cung naeuz, baema le, au gyagiengz hong Cuengh Gun song saw vah sonhag, ca ndei sonhag cizlieng.

(Mungz Ningz sij Liu Veijcwngz ingi)



▲ Mungz Ningz yaucangj youq gwnz hoih gangjavah, naeuz daihgya au guh ndei hong Cuengh Gun song saw vah.



▲ Sawcuengh sonhag fujdauiyenz Liu Veijcwngz youq gwnz hoih buci hong Sawcuengh sonhag haggez neix.

Lungzcouh: Bouxcuengh Angqhoh "Ciet Souhaeux"

龙州：壮族同胞欢庆“稻香节”

Diug foux yekyek, sing fwen sing go goksasa.....10 nyied 3 hauh, Lungzcouh Yen Ginhlungz Cin gawjhegz Gaiq Daihngaih "Ciet Souhaeux" Bouxcuengh hozdung. Ngoenzde, gyoengq beixnuengx Bouxcuengh daenj buhmoq, ciengq go diug foux, angqhoh "ciet souhaeux".

Moix bi 10 nyied 3 hauh, dwg ngoenz angqhoh gohaeux ndaej fungsou Bouxcuengh Lungzcouh Ginhlungz, ngoenzneix, gyoengqde eu fwen, danz denhginz, bau aendomq, daemj man, guh ceiz daengj hozdung, nauhyied raixcaix, soengq angqyangz caeuq vuenyungz hawj gyoengq bouxhek daj gizgyae daeuj youz haenx.

(Cwnz Youjcaiz Fangh Meiz)



▲ Ciengq go diugfoux angq-hoh ngoenzciet.

◀ Bouxyouz roengznaz sou haeux, angq raixcaix.



Lungzswng: Cietgwnbya Yinx Hek Daeuj

龙胜：鱼宴节吸引千万游客



▲ Ginzung guh dwkbya byaujyenj.



10 nyied 10 hauh, Lungzswng Gak Cuz Swciyen Byauzlij Cin vunz lai vunz daih, nauhyied dangqmaz, ngoenzneix gyoengq ginzung dieg neix angqcoux ma aen cietgwnbya, miz 4000 lai boux ginzung guh cuengqseng fanh duzbya, cien vunz gaeb duzbya, cawj duzbya doxdax, dep laeuj gwn bya daengj hozdung, yinx fanh boux hek daeuj gizde youz, daeuj gwn bya. Gaengawq cazcam roxdaengz, Dahsanghyangh Lungzswng miz duzbya duznyauh gig lai, vunz dangdieg ciengzseiz roengz dah bae dwkbya lauz nyauh, au bya nyauh ma cingj bouxhek. Gij hozdung neix guh nanz le ndaej cienzswnj roengzdaeuj, couh baenz le aen ciet conzdungj gwn bya neix.

(Siz Nungzbng Yangz Daunwngz, Yungz Veih ingi sij)

◀ Gyoengq bouxyouz gwn laeujbya, simhai raixcaix.

Liujgyangh: Golwngnyez Ciengq "Caen Sienh Ndei"

柳江：童谣声声播撒“真善美”

Liujcough miz golwngnyez lai, suenq Liujgyangh miz ceiq lai. Liujgyangh Yen soqlaiz miz aen conzdungj biensij caeuq soucomz golwngnyez ndeu. Youq bineix gih raeuz guh golwngnyez doxdax, miz 15 hot ndaej ciengj, ndawde, miz 5 hot dwg Liujgyangh Yen au ndaej. Liujgyangh Sawcuengh Hagdangz Fusuz Siujyoz au golwngnyez maenhndei daeuj son hagseng baenzlawz guhvunz, youq ndaw hagdangz cujiz hagseng guh boih golwngnyez doxdax, youq gwnz dangz dagohgen caeuq gwnz dangz dijyuz diug fouxgolwngnyez.

(Cinz Veijliz)



▲ Hagseng youq seiz roengzdangz diug fouxgolwngnyez.